

BOSNA I HERCEGOVINA
 FEDERACIJA BOSNE I
 HERCEGOVINE
 ZENIČKO-DOBOJSKI KANTON
 GRAD ZAVIDOVIĆI
 Privredni savjet Grada Zavidovići



Broj: 02-04-534/22-AP-5
 Datum: 11.04.2022. godine

Na osnovu člana 13. Poslovnika o radu Privrednog savjeta Općine Zavidovići, broj: 02-05-1818-AP-12 od 30.06.2017. godine i broj: 02-04-29/21-AP-25 od 27.04.2021. god., na 15. sjednici Privrednog savjeta Grada Zavidovići, koja je održana 08.04.2022. godine u Velikoj sali zgrade Grada Zavidovići sa početkom u 11:00 sati, sastavljam

ZAPISNIK

Na sjednici Privrednog savjeta prisutni su: Hašim Mujanović, Ajdin Polić, Asim Faljić, Mustafa Hasaković, Birnas Parić, Erna Merdić Smailhodžić, Mirela Bašić, Ermin Begović, Haris Mujanović i Admir Bajraktarević.

Na sjednici Privrednog savjeta nisu prisutni: Džeraldina Miličević, Remzo Sinanović, Sabahudin Horozović, Enesa Bukvić, Emir Okanović, Amir Omerašević, Alen Muharemović i Slađan Ilić.

Prisutni izvjestioci na 15. sjednici Privrednog savjeta Grada Zavidovići: Izet Bašić-pomoćnik načelnika, Amira Tadić-šef Odsijeka za budžet i trezor, Almir Mustafić-šef Odsijeka za lokalni razvoj, infrastrukturu, upravljanje projektima i međunarodnu saradnju i Amer Halilović-direktor JKP Radnik d.o.o.

Zapisnik vodila: Merima Bašić.

Konstatuje se da je na sjednici prisutno 10 članova Privrednog savjeta od ukupno 18 članova; izvjestioci ukupno: 4.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta, odnosno potrebno je prisustvo natpolovične većine članova.

Predsjednik Privrednog savjeta Hašim Mujanović predlaže sljedeći dnevni red:

- 1) Status zaključaka donesenih na sjednicama Privrednog savjeta općine Zavidovići,
- 2) Rješenje o izmjeni Rješenja o osnivanju Privrednog savjeta Općine Zavidovići,
- 3) Zaključak Skupštine JKP „Radnik“ d.o.o. Zavidovići broj: SP-27/21 od 30.12.2021. godine sa Informacijom uprave preduzeća broj: 2367-256-02/21 od 23.11.2021. god. I Zaključkom Nadzornog odobra JKP „Radnik“ d.o.o. Zavidovići, broj: 02/1-04-247/20-AP-24 od 15.12.2020. godine (**izvjestilac: Amer Halilović direktor JKP Radnik d.o.o. Zavidovići**),
- 4) Prednacrt Programa poticaja privrede na području općine Zavidovići za 2022. godinu,

- 5) Izvještaj o realizaciji Akcionog plana implementacije Strategije integriranog razvoja općine Zavidovići za period 2017.-2026. godine za 2021. godinu,
- 6) Izvještaj o realizaciji Plana kapitalnih investicija Općine Zavidovići za period 2021. – 2025. godine za 2021. godinu,
- 7) Izvještaj o realizaciji Programa utroška sredstava iz Budžeta općine Zavidovići za podsticaj razvoja privrede i zapošljavanja za 2021. godinu (**izvjestilac Ad.4. - Ad.7.: Džeraldina Miličević, pomoćnik načelnika**),
- 8) Informacija o realizaciji Općinskog plana upravljanja otpadom 2017-2022. godine za 2021. godinu (**izvjestilac: Izet Bašić, pomoćnik načelnika**),
- 9) Budžet Općine Zavidovići za 2022. godinu, („Službeni glasnik Općine Zavidovići“, broj: 11/21), (**izvjestilac: Midhat Bajramović, pomoćnik načelnika**),
- 10) Odluka o stavljanju van snage Urbanističkog plana općine Zavidovići, („Službeni glasnik Općine Zavidovići“, broj: 02/22),
- 11) Odluka o stavljanju van snage Regulacionog plana „Vučijak“ Zavidovići, („Službeni glasnik Općine Zavidovići“, broj: 02/22), (**izvjestilac Ad.10. i Ad.11.: Remzo Sinanović, pomoćnik načelnika**),
- 12) Odluka o usvajanju Plana kapitalnih investicija Općine Zavidovići revidiran za period 2022. – 2026. godine („Službeni glasnik Općine Zavidovići“, broj: 03/22),
- 13) Odluka o usvajanju planova potencijalnih projekata javno-privatnog partnerstva („Službeni glasnik Općine Zavidovići“, broj: 03/22),
- 14) Akcioni plan realizacije Strategije integriranog razvoja općine Zavidovići za period 2017. – 2026. za 2022. godinu, („Službeni glasnik Općine Zavidovići“, broj: 03/22),
- 15) Plan i program održavanja i zaštite i program rekonstrukcije, izgradnje i obnove lokalnih i gradskih ulica za 2022. godinu, („Službeni glasnik Općine Zavidovići“, broj: 03/22), (**izvjestilac Ad.12. - Ad.15.: Džeraldina Miličević, pomoćnik načelnika**),
- 16) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja jednoglasno bez izmjena i dopuna i prelazi se na rad po istom.

Ad.1. Status zaključaka donesenih na sjednicama Privrednog savjeta Općine Zavidovići;

Predsjednik privrednog savjeta otvara diskusiju po ovoj tački dnevnog reda. Po ovoj tački dnevnog reda nije bilo diskusije.

Zaključak: Prihvata se Status zaključaka donesenih na sjednicama Privrednog savjeta Općine Zavidovići.

Zaključak je usvojen jednoglasno.

Ad.2. Rješenje o izmjeni Rješenja o osnivanju Privrednog savjeta Općine Zavidovići;

Predsjednik Privrednog savjeta otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Privredni savjet prima k znanju Rješenje o izmjeni Rješenja o osnivanju Privrednog savjeta Općine Zavidovići.

Zaključak je usvojen jednoglasno.

Ad.3. Zaključak Skupštine JKP „Radnik“ d.o.o. Zavidovići broj: SP-27/21 od 30.12.2021. godine sa Informacijom uprave preduzeća broj: 2367-256-02/21 od 23.11.2021. god. I Zaključkom Nadzornog odobra JKP „Radnik“ d.o.o. Zavidovići, broj: 02/1-04-247/20-AP-24 od 15.12.2020. godine;

Predsjednik Privrednog savjeta otvara diskusiju po ovoj tački dnevnog reda.

Po ovoj tački dnevnog reda nije bilo diskusije.

Zaključak: Privredni savjet prima k znanju Zaključak Skupštine JKP „Radnik“ d.o.o. Zavidovići broj: SP-27/21 od 30.12.2021. godine sa Informacijom uprave preduzeća broj: 2367-256-02/21 od 23.11.2021. god. I Zaključkom Nadzornog odobra JKP „Radnik“ d.o.o. Zavidovići, broj: 02/1-04-247/20-AP-24 od 15.12.2020. godine.

Zaključak je usvojen jednoglasno.

Ad.4. Prednacrt Programa poticaja privrede na području općine Zavidovići za 2022. godinu.

Izjavitelj Almir Mustafić: Konstatuje da je ovo radna verzija programa, koja još uvijek nije donešena kao akt, a Privredni savjet ima priliku da utičete na izmjene. 100.000,00 KM su predviđene u Budžetu kao Transfer za subvencije privredi i zapošljavanje, a raspoređena su u tri podprograma.

1. Program redovnih poticaja privredi,
2. Sufinansiranje projekta Inkubator poslovnih ideja sa fondacijom Impakt-javni poziv će biti objavljen 19.04.2022. god.,
3. Sufinansiranje projekta koji se provodi sa HELP organizacijom.

Nadalje navodi da redovni poticaji nose najviše sredstava i raspoređeni su na četiri mjere, kao i prošle godine.

Predsjednik Privrednog savjeta otvara diskusiju po ovoj tački dnevnog reda.

U diskusiji su uzeli učešće:

Predsjednik Privrednog savjeta: Navodeći da bi moglo doći i do povećanja gore navedenih poticajnih mjera.

Ajdin Polić: Navodi da je uočio da neke firme dobijaju poticaje po više mjera, i predlaže da se to ograniči na neki iznos; pošto su sve mjere ograničene po nekom iznosu da se ograniči učešće po osnovu mjera.

Almir Mustafić: Konstatuje da su ograničene prijave na maksimalno dvije mjere.

Ajdin Polić: Predlaže da se ograniči po jednom subjektu dodjela sredstava na zbirno na 4-5 hiljada.

Almir Mustafić: Navodi da je maksimalan iznos do 5 hiljada za refundiranje kamatne stope.

Erna Merdić-Smailhodžić: Konstatuje da nije sporno/puno-6 hiljada od Budžeta od 100.000,00 KM za dodjelu po pojedinačnim subjektima, zavisno od veličine privrednog subjekta; te da se ne mogu porediti obrti sa nekom firmom, odnosno da treba gledati karakter subjekta koji je aplicirao;

Ajdin Polić: Konstatuje da je ovaj Program više namijenjen za obrtnike, male i srednje subjekte.

Zaključak: Privredni savjet prihvata Prednacrt Programa poticaja privrede na području općine Zavidovići za 2022. godinu.

Zaključak je usvojen jednoglasno.

Ad.5. Izvještaj o realizaciji Akcionog plana implementacije Strategije integriranog razvoja općine Zavidovići za period 2017.-2026. godine za 2021. godinu.

Izvjestilac Almir Mustafić: Konstatuje da je ovo materijal koji se prima na znanje, obzirom da je općinsko vijeće već usvojilo ove materijale. Navodi da su prikazani svi projekti koji su realizovani i u kojoj mjeri, kao i statistika, gdje je navedeno da od 23 nerealizovana projekta 6 projekata nije realizovano jer nije došlo do transfera planiranih sredstava od viših vlasti, dok najvećim dijelom nije realizovano zbog nedostatka budžetskih sredstava, odnosno da je po svakom strateškom cilju navedeno koliko projekata nije realizovano, a svi ostali su ili započeti ili djelimično realizovani ili realizovani.

Zaključak: Privredni savjet prima k znanju Izvještaj o realizaciji Akcionog plana implementacije Strategije integriranog razvoja općine Zavidovići za period 2017.-2026. godine za 2021. godinu.

Zaključak je usvojen jednoglasno.

Ad.6. Izvještaj o realizaciji Plana kapitalnih investicija Općine Zavidovići za period 2021. – 2025. godine za 2021. godinu.

Izvjestilac Almir Mustafić: Konstatovano je da je Plan petogodišnji, a realizacija na godišnjem nivou. Nabrojani su konkretni projekti koji su rađeni, u kojem iznosu su realizovani itd.

U diskusije je učešće uzeo predsjednik Privrednog savjeta: Navodi da se analizom izvještaja vidi da je došlo do realizacije kompletnog plana; odnosno da je bilo kašnjenja zbog vremenskih uslova, odnosno da se ne može uticati na građevinsku sezonu, niti žalbe na tendere; da su započeli projekti u urbanoj zoni (Prvomajska, Parnjača, Biljačić, Podubravlje-završeno).

Zaključak: Privredni savjet prihvata Izvještaj o realizaciji Plana kapitalnih investicija Općine Zavidovići za period 2021. – 2025. godine za 2021. godinu.

Zaključak je usvojen jednoglasno.

Ad.7. Izvještaj o realizaciji Programa utroška sredstava iz Budžeta općine Zavidovići za podsticaj razvoja privrede i zapošljavanja za 2021. godinu.

Izjavitelj Almir Mustafić: Navodi da je već sličan izvještaj razmatrao Privredni savjet, a koji je bilo na vijeću; uvodničar konstatuje da su u Programu navedeni pojedinačni iznosi kome je dodijeljeno i koliko; te da su zadovoljni sa odzivom i samom realizacijom (9 aplikacija 11% čine mladi ljudi; 29 aplikacija 46% su žene).

U diskusije je učešće uzeo predsjednik Privrednog savjeta: Pojašnjavajući da je 2017. godine kada se započelo sa ovim aktivnosti, od mogućih 100.00,00 KM utrošeno je 7.000 KM; u 2021. godini utrošeno je 64.000,00 KM-lično su pozivani građani da mogu da dobiju sredstava.

Zaključak: Privredni savjet prihvata Izvještaj o realizaciji Programa utroška sredstava iz Budžeta općine Zavidovići za podsticaj razvoja privrede i zapošljavanja za 2021. godinu.

Zaključak je usvojen jednoglasno.

Ad.8. Informacija o realizaciji Općinskog plana upravljanja otpadom 2017.-2022. godine za 2021. godinu.

Izjavitelj Izet Bašić: Konstatuje da je riješen dugogodišnji problem odvoza otpada, te da je ove godine u skladu sa važećim Planom to i učinjeno, obezbijeđena su sredstava zahvaljujući gradonačelniku, administraciji, vijeću, komunalnom preduzeću; te je područje općine obezbijeđeno odvozom otpada, osim mjesta Hadžići, zbog nemogućnosti prelaska vozila komunalnog preduzeća preko rijeke Krivaje. Napravljena je i pretovarna stanica kao prelazno rješenje do konačne realizacije projekta izgradnje sortirnice. U planu je i otklanjanje divljih deponija u mjestima Krivaja, Brezik, Vozuća, Ribnica, Maoča i jedan veći dio Pašin Konaka., na tim područjima identifikovano je ukupno 60 divljih deponija. Također, napominje da se radi i na izradi novog Plana za 2023-2028. godinu i da će prvi radni materijala bit dostavljen privrednom savjetu na razmatranje.

U diskusije su učešće uzeli:

Admir Bajraktarević: Napominje da je potrebno naći modus (automatizovano) naplaćivanje na područjima Kamenice i Moče, a da se tim parama plaća odvoz istog.

Predsjednik Privrednog savjeta: Konstatuje da je planirano postavljanje kontejnera u Moči, a da su u Kamenici već postavljeni, nadalje, da postoji problem samog sistema naplate i na koji način da to pravno bude utemeljeno.

Admir Bajraktarević: Konstatuje da na lokalnom putu imamo pravo naplaćivati je istim upravlja općina.

Zaključak: Privredni savjet prima k znanju Informacija o realizaciji Općinskog plana upravljanja otpadom 2017.-2022. godine za 2021. godinu.

Zaključak je usvojen jednoglasno.

Ad.9. Budžet Općine Zavidovići za 2022. godinu, („Službeni glasnik Općine Zavidovići“, broj: 11/21).

Izjavitelj Amira Tadić: Napominje da je Budžet objavljen u službenom glasniku broj: 11/21 Općine Zavidovići u iznosu od 12.716.938,91 KM, da je uravnotežen; prihodovna strana odgovara rashodovnoj; nadalje, da je Transfer za subvencije privredi i za zapošljavanje planiran u iznosu od 100.000,00 KM, te da Budžet ide u izvršenje, jer je već usvojen. (...).

Zaključak: Privredni savjet prima k znaju Budžet Općine Zavidovići za 2022. godinu, („Službeni glasnik Općine Zavidovići“, broj: 11/21).

Zaključak je usvojen jednoglasno.

Ad.10. Odluka o stavljanju van snage Urbanističkog plana općine Zavidovići, („Službeni glasnik Općine Zavidovići“, broj: 02/22);

Predsjednik Privrednog savjeta: Konstatuje da su odluke usvojene od strane vijeća 31. januara ove godine. Nadalje, da su Urbanistički, odnosno Regulatorni planovi zastarjeli, da imaju svoj rok važenja, tako da ih je trebalo formalno staviti van snage, kako bi pristupili izradi novih regulatornih i urbanističkih planova.

Zaključak: Privredni savjet prima k znaju Odluka o stavljanju van snage Urbanističkog plana općine Zavidovići, („Službeni glasnik Općine Zavidovići“, broj: 02/22).

Zaključak je usvojen jednoglasno.

Ad.11. Odluka o stavljanju van snage Regulatornog plana „Vučijak“ Zavidovići, („Službeni glasnik Općine Zavidovići“, broj: 02/22);

Zaključak: Privredni savjet prima k znaju Odluka o stavljanju van snage Regulatornog plana „Vučijak“ Zavidovići, („Službeni glasnik Općine Zavidovići“, broj: 02/22).

Zaključak je usvojen jednoglasno.

Ad.12. Odluka o usvajanju Plana kapitalnih investicija Općine Zavidovići revidiran za period 2022. – 2026. godine („Službeni glasnik Općine Zavidovići“, broj: 03/22);

Izjavitelj Almir Mustafić: Napominje da je ova Odluka prošla na vijeće; ali da se mogu davati sugestije i prijedlozi. Konstatuje da u ovoj godini ima ukupno 88 projekata; 58 projekata cestove infrastrukture, 11 vodnih, 4 kanalizacije, 6 javnih rasvjeta i 9 ostalih projekata; lista projekata je u prilogu, a koji su rangirani prema kriterijima, koje prijavljuju mjesne zajednice i ovlaštena lica.

U diskusije su učešće uzeli:

Predsjednik Privrednog savjeta: Postavlja pitanje vezano za listu projekata cestovne infrastrukture, pa pod brojem 5. MZ Asim Čamdžić-sanacija Uljičkog puta, u kojoj je fazi?

Almir Mustafić: Konstatuje da je u toku izrada elaborata klizišta.

Ermin Begović: Sugerije vezano za grijanje, da su u Krivaji, poslije rata, renovirali drugi kotao, navodi da je moguće da je kapacitet puno veći u odnosu na Samačku i Parnjaču. Predlaže da navedeno opština isfinansira kao kapitalni projekat i prebaciti grijanje sa uglja na sječku; odnosno da se kupi taj dio od Krivaje, da se ugrade toplotne pumpe ili solarni paneli možda čak i plin.(...).

Admir Bajraktarević: Konstatuje da je rađeno na takvom projektu.

Predsjednik Privrednog savjeta: Konstatuje da su dvije toplane ili dvije kotlovnice, dotrajale i nadzorni odbor i skupština rade izlaznu strategiju kako prevazići problem grijanja u Zavidovićima; te da je zbog ekološki neprihvatljivog način i zastarjelosti moguće da u toku grejne sezone ti kotolvi stanu; da se od 2300 stanova, samo 200 stanova zagrijava javno komunalno preduzeće. Jedan dio problema je što prije rata nisu rađene instalacije u nekim zgradama. Preko razvojne banke se tražio način (...) i lokalitete koji bi se mogli staviti u funkciju da se uradi jedna glavna gradska toplane, nadalje da postoji i opcija da se razgovara i sa privrednicima TMK da se koristi njihova para iz njihove energetike. (...).

Ermin Begović; Admir Bajraktarević (...)

Predsjednik Privrednog savjeta: Navodi da je u Planu projekata javno-privatnog partnerstva i projekat toplifikacije grada u iznosu 5.000.000,00 KM. (...).

Zaključak: Privredni savjet prihvata Odluku o usvajanju Plana kapitalnih investicija Općine Zavidovići revidiran za period 2022. – 2026. godine („Službeni glasnik Općine Zavidovići“, broj: 03/22).

Zaključak je usvojen jednoglasno.

Ad.13. Odluka o usvajanju planova potencijalnih projekata javno-privatnog partnerstva („Službeni glasnik Općine Zavidovići“, broj: 03/22);

Izvjestilac Almir Mustafić: Konstatuje da je zakonska obaveza grada Zavidovići u skladu sa Zakonom o javno-privatnom partnerstvu ZDK da delegira na godišnjem nivou potencijalne projekte; (određeni nisu razrađeni, neki imaju dokumentaciju, kao što je toplifikacija). Nadalje, da zakon koji je na snazi preko 8 godina, nije dao neke rezultate, jer ima nedorečenosti, tako da još uvijek niko u ZDK nije proveo ni jedan projekat javno-privatnog partnerstva, jer postoje rizici u definisanju odnosa između privatnog i javnog partnera.

U diskusiji je uzeo učešće Predsjednik privrednog savjeta: Navodeći da je osnovni nedostatak ovog zakona bojaz službenika u kojim situacijama bi oni mogli odgovarati,...). U skladu s navedenim se radi i na izmjenama ovog zakona.

Zaključak: Privredni savjet prihvata Odluku o usvajanju planova potencijalnih projekata javno-privatnog partnerstva („Službeni glasnik Općine Zavidovići“, broj: 03/22).

Zaključak je usvojen jednoglasno.

Ad.14. Akcioni plan realizacije Strategije integriranog razvoja općine Zavidovići za period 2017. – 2026. za 2022. godinu, („Službeni glasnik Općine Zavidovići“, broj: 03/22);

Izvjestilac Almir Mustafić: Konstatuje da 86 projekata sačinjavaju Akcioni plan; projekti su grupisani u četiri strateška cilja; usvojen je od strane vijeća.

Diskusije nije bilo.

Zaključak: Privredni savjet prihvata Akcioni plan realizacije Strategije integriranog razvoja općine Zavidovići za period 2017. – 2026. za 2022. godinu, („Službeni glasnik Općine Zavidovići“, broj: 03/22).

Zaključak je usvojen jednoglasno.

A.d.15. Plan i program održavanja i zaštite i program rekonstrukcije, izgradnje i obnove lokalnih i gradskih ulica za 2022. godinu, („Službeni glasnik Općine Zavidovići“, broj: 03/22);

Predsjednik Privrednog savjeta: Konstatuje da nema dovoljno sredstava da se sve može adekvatno izgraditi; da mještani naših sela i mjesnih zajednica, kao npr. MZ Kovači prikupljaju sredstva; da su u prošlog godini prikupili oko 216.000,00 KM za asfaltiranje. (...). Za ovu godinu težište će se staviti na gradsku dio.

Admir Bajraktarević: Pohvaljuje kvalitetu boje linija na zebrama.

Almir Mustafić: Navodi da se raspolaže sa 930-950 hiljada KM za sve ceste, cestovna mreža je 115 km lokalnih cesta, te da se radi samo ono najnužnije.

Zaključak: Privredni savjet prihvata Plan i program održavanja i zaštite i program rekonstrukcije, izgradnje i obnove lokalnih i gradskih ulica za 2022. godinu, („Službeni glasnik Općine Zavidovići“, broj: 03/22).

Zaključak je usvojen jednoglasno.

A.d.16. Razno;

Diskusija:

Erna Merdić Smailhodžić: Zamolila je da se naredni Privredni savjet zakazuje ili u ranim jutarnjim satima ili nekad pred kraj radnog vremena?

Predsjednik privrednog savjeta: Konstatuje da će se naredne sjednice Privrednog savjeta zakazivat u 14 sati.

Zaključak: 1. Sjednice Privrednog savjeta sazivaju se u 14:00 sati.

2. Zadužuje se Predsjednik Privrednog savjeta i Služba za upravu privrede, lokalni razvoj, infrastrukturu i međunarodnu saradnju da prilikom sazivanja sjednica uzmu u obzir gore navedeno vrijeme iz tačke 1. Zaključka.

3. O realizaciji Zaključka starat će se Služba za upravu privrede, lokalni razvoj, infrastrukturu i međunarodnu saradnju.

Sjednica Privrednog savjeta završena u 12:13 sati.

ZAPISNIK SAČINILA



Merima Bašić

ZAPISNIK OVJERAVA
PREDSJEDNIK PRIVREDNOG
SAVJETA



Dr. sci. Hašim Mujanović